

四庫全書

史部

欽定四庫全書

史部

唐六典卷二十八

詳校官監察御史臣劉芬

編修臣程嘉謨覆勘

總校官庶吉士臣倉聖脉

校對官檢討臣龔大萬

謄錄監生臣朱懷玉

謄錄監生臣萬宣

欽定四庫全書

唐六典卷二十六

唐張九齡等撰

太子三師三少詹事府左右春坊內官

太子三師

太子太師一人

太子太傅一人

太子太保一人

太子三少

太子少師一人

太子少傅一人

太子少保一人

太子賓客四人

太子詹事府

詹事一人

少詹事一人

丞二人

主簿一人

錄事二人

令史九人

書令史十八人

太子司直二人

令史一人

書令史二人

亭長四人

掌固六人

太子左春坊

左庶子二人

中允一人

司議郎四人

錄事二人

主事二人

令史七人

書令史十四人

太子左諭德一人

左贊善大夫五人

傳令四人

掌儀二人

贊者四人

亭長四人

掌固十三人

崇文館

學士無員數

學生二十人

校書二人

令史二人

典書二人

搨書手二人

書手十人

熟紙匠三人

裝潢匠五人

筆匠三人

司經局

洗馬一人

文學三人

書令史二人

書史四人

校書四人

正字二人

典書四人

楷書二十五人

掌固六人

典膳局

典膳郎丞各二人

書令史二人

書史四人

主食六人

典食二百人

掌固四人

樂藏局

樂藏郎丞各二人

書令史一人

書史二人

侍醫四人

典藥九人

掌固六人

樂僮十八人

內直局

內直郎丞各一人

書令史二人

書史四人

典服三十人

典扇典翰各十五人

掌固六人

典設局

典設郎四人

書令史二人

書史四人

幕士六百人

掌固十二人

宮門局

宮門郎丞各二人

書令史二人

書史四人

門僕一百三十三人

掌固四人

太子右春坊

右庶子一人

中舍人二人

錄事一人

主事二人

令史九人

書令史十八人

太子右諭德一人

右贊善大夫五人

傳令四人

太子通事舍人八人

典謁二十一人

亭長六人

掌固十二人

太子內坊

典內二人

丞二人

錄事二人

令史三人

書令史五人

典直四人

導客舍人六人

閣帥六人

內閣八人

內給使無員數

內廐二人

典事二人

駕士三十人

亭長二人

掌固四人

太子內官

良娣二人

良媛六人

承徽十人

昭訓十六人

奉儀二十四人

司閨二人

掌正三人

女史三人

掌書三人

女史三人

掌筵二人

女史三人

司則二人

掌嚴三人

女史三人

掌縫三人

女史三人

掌藏三人

女史三人

司饌二人

女史四人

掌食三人

女史四人

掌醫三人

女史二人

掌園三人

女史二人

太子太師一人太傅一人太保一人並從一品下

禮記

王之教太子入則有保出則有師史記秦孝公使商鞅設法而黜太子師傳則秦有其職也漢氏唯置太傅秩二千石屬官有太子門大夫庶子洗馬舍人至後漢太子太傅秩中二千石掌輔導太子禮如師不領官屬至魏太子太傅為第三品漢魏故事皇太子於二傳執弟子禮皆為書不曰令太傅於太子不稱臣晉初東宮不置詹事事由二傳少傳立草太傅書真以為儲副體尊遂命諸公居之而本司位重或行或領也咸寧中備太傅之職朗陵公何劭為太子太師避景帝諱改為帥安豐侯王戎為太傅武陵侯楊濟為太保其後或置或省懷帝為太弟又備六傳東晉明帝在儲宮置保傅之位而無二師晉令太子太保品第三進賢兩梁冠絳朝服

佩水蒼玉銀章青綬宋齊梁並不置後魏北齊置之正
第二品號東宮三太後周不置隋氏置之正第三品皇
朝因之而加其秩太
子出則乘輅備儀

太子三師以道德輔教太子者也至於動靜起居言語
視聽皆有以師焉

太子少師一人少傅一人少保一人並正二品

禮記云
三王教

太子立太傅以養之太傅在前少傅在後秦漢因之百
官表太傅少傅秩二千石後漢秩中二千石總領東宮
官屬魏故事太傅於太子不稱臣少傅稱臣晉咸寧中
備六傅之職始置少師少保以臨海侯裴楷為少師以
上蔡伯和為少保其後或置或省至晉懷帝為太弟
又備六傅之職東晉明帝在儲宮置保傅之位而無師

歷宋齊梁陳並不置後魏北齊皆置之歸東宮三少隋氏降太師一等皇朝因之太子出入則乘輅備儀以為從後

太子三少掌奉皇太子以觀三師之道德而教諭焉凡三師三少官不必備唯其人無其人則闕之

太子賓客四人正三品

漢書高祖欲廢太子呂氏用張良計致商山四皓以為賓客又

孝武帝為太子立博望苑使通賓客則其義也若有宴賜諸司長官太子賓客則皆預焉

太子賓客掌侍從規諫贊相禮儀而先後焉凡皇太子有賓客宴會則為之上齒

太子詹事府詹事一人正三品

漢書百官表詹事秦官掌皇后皇太子家秩二

千石應劭云詹省也給也言給事太子漢東宮屬官太子門大夫庶子洗馬舍人屬三傳率更家令丞僕中舍衛率厨廐長丞屬詹事成帝省詹事後漢因之其太子官悉屬少傳而太傳不領官屬魏復置詹事品第三掌東宮內外衆務晉初不置詹事東宮諸署悉隸三傳後以保傅位尊不宜親務武帝咸寧初用黃門侍郎楊珉為詹事掌東宮之任珉遷為少傳復省惠帝元康中復置永康中齊王冏輔政復省太安中復置懷帝又省江左復置晉令詹事品第三銀章青綬絳朝服兩梁冠局事擬尚書令位視領護將軍中書令長三率中庶子庶子洗馬舍人其後用大漸重或以令僕射領之宋齊品秩儀服畧同於晉梁秩中二千石品第三後定十八班班第十四陳因之後魏太子詹事置左右二人其後唯置一人初第二品下太和末降為第三品北齊品同魏

氏總東宮內外衆事無大小皆統之領家令率更僕三寺左右衛二坊後周置太子宮正宮尹隋開皇元年更置詹事二年罷之皇朝復置龍朔二年改為端尹咸亨元年復舊天授中改為宮尹神龍元年復為詹事

少詹事一人正四品上

皇朝置龍朔二年改為少尹咸亨元年復舊天授中復為少尹

神龍元年復舊

太子詹事之職統東宮三寺十率府之政令舉其綱紀而修其職務少詹事為之貳凡天子六官之典制皆視其事而承受焉

丞二人正六品上

漢因秦置詹事丞秩六百石東漢省至魏晉皆隨詹事置省永康中省詹

事置丞一人文書關六傳晉令詹事丞一人品第七銅
印墨綬進賢一梁冠皇朝服局擬尚書左右丞過江多
用員外郎及博士為之遷為尚書郎宋齊品服同晉氏
梁陳品第八後魏初從五品中太和末第七品上北齊
第七品下皇朝加至二人龍朔一年改為端尹丞咸
亨元年復故天授中又改為宮尹丞神龍元年復故
主簿一人從七品上晉始置主簿史闕其員品歷宋齊
梁陳後魏北齊隋詹事府皆有五
官功曹主簿亦史闕其員品皇朝置一
人龍朔咸亨天授神龍並隨府改復

錄事二人正九品下

丞掌判事凡勅令及尚書省二坊符牒下於東宮諸司
者皆發之若東宮諸司之申上者亦如之

主簿掌付所受諸司之移判及彈頭之事而勾會之凡
三寺十率府文符之隱漏程限稽失大事啟文小事下
率更以繩之及掌印勾檢稽失

錄事掌受事發辰

太子司直二人正七品上

皇朝龍朔三年置桂坊比御史臺置令一人比御史大夫

司直二人比侍御史職在彈劾以肅
官寮其後廢桂坊以司直隸詹事府

司直掌彈劾官寮糾舉職事凡皇太子朝宮臣則分知
東西班凡諸司文武應參官每月皆具在否以判正焉

凡諸率府配兵於諸職掌者亦如之皆受而檢察其過
犯者隨以彈啟若皇太子監國詹事及左右庶子為三
司使則司直一人與司議舍人分日受啟狀詳其可否
以申理之若皇太子出則於鹵簿內分以糾察

太子左春坊左庶子二人正四品上

禮記曰古者周天子有庶子之官職

諸侯卿大夫之庶子掌其戒令與其教理別其等正其
位國有大事則帥國子而致於太子唯所用之若有甲
兵之事則授之車甲合其卒伍置其有司以軍法理之
司馬弗征至秦因之置中庶子員漢太子太傅屬官有
庶子王莽改曰中尚翼子後漢太子少傅屬官有太子
中庶子員五人秩六百石職如侍中庶子無員秩四百

右庶子職如三署郎環濟要畧曰庶子主宮中并諸吏之適子及支庶版籍魏因之晉太子詹事有中庶子庶子各四人局擬散騎常侍品第五班同三令四率次中書侍郎下絳朝服武冠平巾幘高功中庶子與高功中舍人共掌禁令糾正違闕侍從左右儼相威儀盡規獻納奏事文書皆典綜之釋奠中庶子扶左庶子扶右孝文帝元嘉初詔中庶子隨太子入直上宮十四年又詔直東宮梁中庶子庶子各四人庶子功高者一人為祭職班則負璽前後部護駕與高功中舍一人共掌其坊之禁令班第十一從四品庶子班第九從五品陳因之後魏有太子左庶子庶子員北齊有門下坊中庶子四人領之有典書坊庶子四人領之中庶子第四品上隋門下坊置左庶子二人領之典書坊置右庶子二人領之至是始改為左右矣左庶子正四品上右庶子四品下皇朝因之龍朔二年改門下坊為左春坊左庶子為太子左中護咸亨元年復故左庶子在東宮職擬侍中

太子中允二人正五品下

後漢太子宮屬有中允在中庶子下洗馬上此後無聞皇

朝貞觀初改太子中舍人為中允位右庶子下而中舍人復置龍朔二年改曰太子左贊善大夫咸亨元年復為太子中允而左贊善大夫仍置太子中允職擬黃門侍郎

左庶子之職掌侍從贊相禮儀駁正啟奏監省封題中允為之貳凡皇太子從大祀及朝會出入則版奏外辦中嚴入則解嚴馬凡令書下於左春坊則與中允司議郎等覆啟以畫諾及覆下以皇太子所畫者留為按更寫令書印署注令諾送詹事府若皇太子監國事在尚

書者如令書之法

太子司議郎四人正六品上

貞觀十八年置龍朔二年改為太子左司議郎咸亨

元年復舊職

擬給事中

錄事二人從八品下

主事三人從九品下

司議郎掌侍從規諫駁正啟奏以佐庶子中允之闕凡
皇太子之出入朝謁從享及釋奠於先聖先師講學臨
胄撫軍監國之命可傳於史冊者並錄為記注若官坊

之內祥瑞災眚及伶官之改變音律新曲調宮臣之宮
長除拜薨卒亦皆記焉每歲終則送之於史館

太子左諭德一人正四品下

龍朔三年置職
擬左散騎常侍

太子左贊善大夫五人正五品下

龍朔二年改太子中
允為之咸亨元年復

置中允而贊善大夫不廢又
加置五人職擬諫議大夫

左諭德掌諭太子以道德也皇太子朝宮臣則列侍於
左階出入則騎從於正道之左其內外庶政有可為規
諷者隨事而贊諭焉

欽定四庫全書

唐六典
卷二十六

左贊善掌翊贊太子以規諷也皇太子出入動靜苟非其德義則必陳古以箴焉

崇文館學士

魏文帝詔文儒之士始置崇文館王肅以散騎常侍領崇文館祭酒自後無聞貞觀

中崇文館有學士直學士員不常置掌教授學生等業

校書二人從九品下

本置讐校開元七年改為校書

崇文館學士掌刊正經籍圖書以教授諸生其課試舉

送如弘文館

校書掌校理四庫書籍正其訛謬

司經局洗馬二人從五品下

國語云句踐為夫差洗馬漢太子少傅屬官有太子

洗馬後漢員十六人秩比六百石職如謁者太子出則當直者一人在前導威儀蓋洗馬之義也魏因之晉太子詹事屬官太子洗馬八人掌皇太子圖籍經書職如謁者局準秘書郎品第七班同舍人次中書舍人下絳朝服進賢一梁冠黑介幘宋祖置八人齊太子洗馬一人梁典經局有太子洗馬八人統典經書舍人典事守舍人員班第六正七品陳因之北齊典書坊有太子洗馬二人從五品上隋門下坊司經局置洗馬四人從五品下至大業中減二人皇朝因之龍朔二年改為太子司經大夫咸亨元年復舊

文學三人正六品

魏置太子文學魏武為丞相命司馬宣王為文學掾甚為世子所信與吳

質朱鑠陳羣驕為太子四友自晉之後不置至後主至德三年置太子文學十人復廢皇朝顯慶中始置

校書四人正九品下

宋孝建中太子洗馬有校書吏四人此後無聞至北齊有太子校書

郎從九品上隋司經局置校書
六人從九品上皇朝減置四人

正字二人從九品下

隋司經局置正字二人從九品下
煬帝改為正書皇朝復為正字

洗馬掌經史子集四庫圖書刊緝之事立正本副本貯
本以備供進凡天下之圖書上於東宮者皆受而藏之
文學掌分知經籍侍奉文章總緝經籍繕寫裝染之功
筆札給用之數皆料度之

校書正字掌校理刊正經史子集四庫之書

典膳局典膳郎二人正六品上

自漢以來並有太子舍官北齊門下坊始別置

典膳局有監丞各二人監六品下隋改為七品下皇朝因之龍朔二年改為太子典膳郎

丞二人正八品上

北齊典膳局有丞二人正八品下隋正九品下皇朝復為八品上

典膳郎掌進膳嘗食之事丞為之貳每夕局官執爵更

直

藥藏局藥藏郎二人正六品上

北齊門下坊領藥藏郎有監丞各二人正六品

下侍藥四人正七品下隋門下坊領藥藏局監丞二人侍藥四人監正七品下皇朝改監為太子藥藏郎

丞二人正八品上

北齊藥藏局有丞一人正八品下隋正九品下皇朝因之

藥藏郎掌和齊醫藥之事丞為之貳凡皇太子有疾命侍醫入診候以議方藥應進藥命藥僮擣篩之侍醫和成之將進宮臣監嘗如尚藥局之職

內直局內直郎二人從六品下

齊職儀太子有內直兵局內直兵史二人五品

勲位梁有齋內主壘主衣扶持等局各置有司以承其事陳因之北齊門下坊領殿內局有內直監二人正六品下隋門下坊領內置局置內直監二人品同北齊皇朝因之職擬尚輦奉御龍朔二年改同太子內直郎丞二人正八品下
北齊內直郎局有副監四人從六品下隋內直局有副監二人品同北齊

皇朝因改為丞

內直郎掌符璽繖扇几案衣服之事丞為之貳凡皇太

子之服袞冕垂白珠九旒以組為纓色如其一青纁充

耳犀簪導玄衣纁裳九章每章一行重以為等每行九

五章在衣山龍華蟲火宗彝四章在裳藻粉龍黼織成為之白紗中單黻領青標襪

裾革帶金鈎觿大帶素帶不朱裏亦純以朱綠組約用組鞬隨裳色火山二章玉具

劍金寶飾玉鏢首瑜玉雙珮朱組雙大綬四綵赤白纁紺

組純朱質長一丈八尺三百二十首廣九寸小雙綬長二尺六寸

色同大綬而首半之間施二玉鐶朱韞赤舄加金飾侍從皇帝祭祀及祀

廟加元服納妃則服之俱服遠遊三梁冠加金附蟬九

首施珠翠黑介幘髮纓翠縷犀簪導絳紗袍白紗中單

皂領標襖裾白裙襦白革帶方同心曲領絳紗蔽膝

其革

帶劍珮綬與上同

白韞黑烏未冠則雙童空頂黑介幘雙玉導

加寶飾謁廟還宮元日冬至朔日入朝釋奠則服之

其朔

望日入朝通服袴褶五日常朝亦准此

公服遠遊冠

簪導以上並同前

絳紗單衣

白裙襦

革帶

金鈎鯨假帶瑜玉隻佩方心紛鞞囊

長六尺四寸廣

四寸四分色同大綬

白韞烏皮履五日常朝元日冬至受朝服之

弁服

弁以鹿皮為之

犀簪導組纓玉璫九絳紗衣素裳革帶鞶

囊小綬隻佩白鞢烏皮履朔日及視事則兼服之平巾

幘

金飾

犀簪導紫褶白袴玉梁珠寶鈿帶著鞵乘馬則服

之進德冠九璫加金飾其常服及白練裙襦通著之若袴褶則與平巾幘通著

典設局典設郎四人從六品下

南齊有齋居局齋居庫丞一人梁有齋內局各

置有司以承其事陳因之北齊門下坊有齋司局有太子齋帥司閤帥各二人太子齋帥正八品下隋門下坊領齋帥局有齋帥四人正七品下皇朝因之龍朔二年改太子齋帥為太子典設郎

典設郎掌湯沐灑掃鋪陳之事凡大祭祀皇太子散齋三日於別殿致齋二日於正殿前一日設幄坐於正殿東序及室內俱西向又張帷於前楹下殿若無室則張帷若大禮應供者亦如之

宮門局宮門郎二人從六品下

漢太子太傅屬官有太子門大夫後漢置二人

秩六百石職比郎將魏因之晉太子門大夫局准公車令班同中舍人主通遠近牋表宮門禁防宋品第六秩六百石從駕在詹事後齊梁陳因之皆置一人北齊門下坊置門大夫主簿各一人門大夫從六品上并統軍官西梁清商二部隋曰宮門局置大夫二人從六品上煬帝復為宮門監皇朝復為宮門大夫龍朔二年改為

宮門郎職
比城門郎

丞二人正八品下

皇朝置

宮門郎掌內外宮門管鑰之事凡宮殿門夜漏盡擊漏鼓開夜漏上水一刻擊漏鼓閉每歲終行儺應經所由門並先一刻早開若皇太子不在則閉東宮正門其宮城門使宿衛人應入宮殿者各於左右廂便門出入

皇太子還仗乃開凡宮中漏刻晝夜惟唱時不復擊鼓若開閉門及每夜一更盡依法擊鐘鼓

太子右春坊右庶子二人正四品下

其說已具於左庶子隋門下坊置左

庶子二人以領之典書坊以右庶子二人領之右庶子正四品下皇朝因之至龍朔二年始改典書坊為右春

坊右庶子為太子右中護咸亨元年復為右庶子在東宮職擬中書令

太子中舍人二人正五品上

太子中舍人本漢魏太子舍人也晉惠帝在儲宮以

舍人四人有文學才美者與中庶子共理文書至咸寧二年齊王冏為太傅遂加名為中舍人位叙同尚書郎其後資漸高擬黃門侍郎班同門大夫改尚書郎下高功中舍人與高功中庶子共掌禁令糾正違闕侍從左右儼相威儀盡規獻納奏事文章皆典給之監合嘗樂大小會二宮舉案正直從大小駕一人前部護駕一人後部護駕同中庶子日月檢奏直臣名更直五日典文疏如中書郎宋有四人齊有一人梁有四人高功一人

與中庶子祭酒共掌其坊之禁令班第八正六品陳因
之後魏第五品上北齊門下坊有四人品同後魏隋改
為太子內舍人四人正五品上煬帝減
二人皇朝復為中舍人職擬中書侍郎

右庶子之職掌侍從左右獻納啟奏宣傳令言

太子左諭德一人正四品下

龍朔二年置職
擬右散騎常侍

太子左贊善大夫五人正五品上

龍朔二年改太子中
允為右贊善大夫咸

亨元年復為中允而贊善大夫不
廢又加置五人職比諫議大夫

右諭德掌如其左皇太子朝宮臣則列侍於右階之下

出入則騎於正道之右

右贊善大夫掌如其左凡皇太子朝宮臣則列於右階之下

太子通事舍人八人正七品下

齊職儀中庶子下有門下通事守舍人四人三

品勲錄叙武冠朱服又庶子下有內典書通事舍人二人品服同舍人擬中書通事舍人掌宣傳令書內外啟奏梁中庶子有通事舍人又庶子下通事舍人二人視南臺御史並一班從九品陳因之北齊門下坊有通事守舍人四人隋典書坊有通事舍人八人正七品下煬帝改太子通事舍人為宣令舍人皇朝復為通事舍人通事舍人掌導引東宮諸臣辭見之禮及承令勞問之事凡大朝謁及正冬百官與諸方之使者參見東宮亦

如之若皇太子行先一日京文武官職事九品已上奉
辭及還宮之明日參見亦如之

太子內坊典內一人從五品下

晉有太子寺人監員又
齊職儀太子三卿校各

有寺人二人隋文帝始置太子
內坊有典內等員皇朝因之

丞二人從七品下

隋文帝置內坊丞
二人皇朝因之

典直四人正九品下

隋內坊置丞四人
皇朝改為典直

典內掌東宮閤內之禁令及宮人糧廩賜與之出入丞
為之貳凡任典直以儀式導客主之僮序任閤帥以門

戶任內閣以出入任給使以繖扇任內廐以車輦任典
事以牛馬典內統而監主之凡皇太子妃之親內命婦
之母并郡主合乘車出入者亦監之凡宮人命婦止葬
之制皆率其屬而供其職

太子內官

漢書曰太子有妃有良娣有孺子妻妾凡三等歷代因之至宋明帝更為太子置內職二

等有寶林良娣齊建元中太子宮置三內職良娣比閹
內侯寶林比五等侯才人比駙馬都尉隋初始定制皇
朝因之

司閤從六品掌導引妃及宮人名簿以總掌正掌書掌

筵知三司出納

掌正從八品掌文書出入錄目為記并閨閣管鑰得察
推罰

女史流外三品掌典文簿而執行焉

餘女史
視此

掌書從八品掌寶及符契經籍宣傳啟奏教學廩賜及
紙筆監印

掌筵從八品掌帷幄牀褥几案舉繖扇灑掃鋪設及賓
客

司則從六品掌禮儀參見以總掌嚴掌縫掌藏而領其事

掌嚴從八品掌飾衣服巾櫛膏沐服玩仗衛

掌縫從八品掌裁縫衣服織績

掌藏從八品掌金玉珠寶財貨錦繒繡綵出入

司饌從六品掌膳羞進食先嘗以總掌食掌醫掌園而領其事

掌食從八品掌膳羞酒醴燈燭柴炭及宮人食料器皿

掌醫從八品掌醫藥伎樂

掌園從八品掌園苑種植蔬菓

唐六典卷二十六

欽定四庫全書

唐六典卷二十七

唐 張九齡等 撰

家令率更僕寺

太子家令寺

家令一人

丞二人

主簿一人

錄事一人

府十人

史二十人

亭長四人

掌固六人

食官署

令一人

丞二人

府二人

史四人

掌膳十二人

供膳四百人

奉饌三十人

掌固四人

典倉署

令一人

丞二人

府三人

史五人

掌固四人

園丞二人

史二人

典事六人

司藏署

令一人

丞一人

府三人

史五人

典事四人

掌固四人

太子率更寺

令一人

丞一人

主簿一人

錄事一人

府三人

史四人

伶官師二人

漏刻博士三人

掌漏六人

漏童六十人

典鼓二十四人

亭長四人

掌固四人

太子僕寺

僕一人

丞一人

主簿一人

錄事一人

府三人

史五人

亭長四人

掌固四人

廐牧署

令一人

丞二人

府三人

史五人

典乘四人

典事六人

牧長四人

翼馭十五人

駕士三十人

獸醫二十人

掌固四人

太子家令寺家令一人從四品上

秦漢唐事屬官有太子家令丞張晏云太

子稱家故曰家令又前漢中書太子家令秩八百石後漢太子少傅屬官有太子家令秩一千石主倉穀飲食又領食官令丞魏因之晉家令品第五銅印墨綬進賢兩梁冠絳朝服比司農少府晉太康八年詔曰太子家令率更令僕東宮之達官也宜進品第三與中庶子二率同宋太子家令主內茵蓐牀几諸供中之物又知官奴婢月用錢內庫米鹽車牛刑獄齊因之自宋齊已來清流者不為之梁天監六年武帝以三卿陵替乃詔革去家令視通直宮視率更僕視黃門陳因之後魏太子三卿秩三品上太和二十二年降為從四品上北齊唐事領家令有丞功曹主簿領食官典倉司載等三署令丞又領內坊令丞隋家令寺掌別法食膳倉庫等事領食官典倉司載三署令丞煬帝改為司府令皇朝復為家令龍朔二年改為官府寺大夫咸亨元年復舊

丞二人從七品上

漢家令有丞後漢魏無聞宋書云家令丞一人晉代置宋齊因之梁陳家

令丞一人位不登十八班者別為七班家令丞七班後魏太和二十二年太子三卿丞從六品下北齊家令丞

一人隋家令丞二人皇朝因之龍朔二年改為宮府丞咸亨元年復舊

主簿一人正九品下

晉家令置主簿宋齊因之齊職儀家令主簿一人四品勳位掌摠署

諸曹事梁陳後魏無聞北齊家令有主簿負隋家令主簿一人皇朝因之

家令之職掌皇太子之飲膳倉儲庫藏之政令總食官

典倉司藏三署之官屬凡皇太子備禮出入則乘輅車

具威儀先諸臣以導引若祭祀賓客則供酒食以為獻

主若進獻賜與則奉金玉貨幣而以法式贊之凡官坊府署廨宇及牀几茵蓐席器物不供於將作少府者皆供之

丞掌判寺事凡食官典倉司藏之出納籍其名數以時刺于詹事凡莊宅田園必審其頃畝分其疆界寘于籍書若租稅隨其良瘠而為收斂之數以時入之禁其逋違者若宮朝坊府有土木營繕則下於司藏命典事以受之

主簿掌印及句檢稽失凡寺署之出入財物役使工徒則刺磨事上于尚書有所隱漏言於司直事若重者舉咨家令以啟聞

食官署令一人從八品下

唐事屬官有食官令長丞後太子少傅屬官有太子食官

令一人秩六百石主飲食晉置有食官令職如大官令宋中庶子屬官有食官令齊唐事官亦有太子食官令齊職儀食官令一人三品勳位掌厨膳之事梁庶子有食官局陳因之後魏太子食官令五品上北齊食官令丞又別領器局酒局二丞隋家令事統食官令丞皇朝因之

丞二人從九品下

兩漢食官皆有丞魏晉宋無聞齊建元中置食官丞四人梁選部有東官

欽定四庫全書

卷二十七

食官丞為三品勳爵位魏北齊太子食官丞一人隋食官丞二人皇朝因之

食官令掌飲膳之事永為之貳凡為酒醴必辨其麴蘖黍稷秬稻之宜陶器水火之用以成乎沉浮清濁之良凡為膳羞必辨其牲牢禽獸之名物割烹煎和之制度以協乎五味五香之正然後可以供其享獻焉凡四時之令節供進及設食得專營造不用啟聞其六品已有官於家令厨食者元正冬至寒食亦供焉左右廂牙前坐日職事官三品以上供十盤官臣六參日二十五盤

其食有餘賜左右春坊供奉官詹事司直若非坐日供

三盤丞判署事

典倉署令一人從八品下

後漢太子少傅屬官有太子舍令一人秩六百石主倉穀

魏晉已下無聞後魏有太子舍令第五品中北齊家令寺領典倉署令丞典倉署又別領園丞隋家令寺統典倉令皇朝因之

丞二人從九品下

隋典倉丞二人皇朝因之

典倉署令掌九穀入藏之數及醢醢庶羞器皿燈燭之事舉其名數而司其出納丞為之貳凡諸園圃樹藝者

皆受令焉每月籍其出納之數以上于寺歲終則申詹事府凡戶奴婢及番戶雜戶皆給其資糧及春冬衣服等數如司農給付之法若本司用不足者則官給丞判署事

司藏署令一人從八品下

晉家令有主物吏四人梁庶子屬官有錫賜庫局丞又有

東宮衛庫丞為三品勳位北齊家令寺領司藏署令丞司藏又別領仗軍與作二局丞隋家令寺統司藏署令丞皇朝因之

丞二人從九品下

隋有司藏丞二人皇朝因之

司藏令掌庫藏財貨出納營繕之法式凡諸司應納財物者皆受而藏之應出給者則監而付之其財物之出於庫藏無衆寡皆具其給賜之名數每月上寺歲終則以貨幣出入之數會之丞判署事

太子率更寺令一人從四品上

漢唐事府屬官有太子率更令丞後漢太子少

傅屬官有太子率更令秩千石與庶子舍人更直職似光祿勳魏因之晉唐事屬官有太子率更令一人銅印墨綬進賢兩梁冠絳朝服掌宮殿門戶之禁郎將比衛之士局擬光祿勳衛尉太康八年進品第五宋齊因之梁率更令視黃門陳因之後魏太和二十二年為從四品上北齊唐事率更令有丞功曹主簿領中府署令丞

欽定四庫全書

卷二十七

各一人掌周衛禁防漏刻鐘鼓隋率更寺令一人皇朝因之龍朔二年改為司更大夫咸亨元年復舊

丞一人從七品上

後漢率更丞一人秩四百石魏晉宋齊梁陳皆一人後魏太子三卿丞從

六品下北齊隋皆

一人皇朝因之

主簿一人正九品下

晉率更令置主簿一人宋代無聞齊職儀太子率更令主簿四品勳

位梁陳後魏無聞北齊隋太子

率更寺主簿一人皇朝因之

率更令之職掌宗族次序禮樂刑罰及漏刻之政令凡

皇太子釋奠於先聖先師講學齒胄皆總其儀注而為之導引若皇太子備禮出入則乘輅車位亞家令焉凡

張樂軒縣之制鼓鐺鐘之虞三編鐘之虞三編磬之虞
三凡九虞每位各建鼓凡三人祝鼓二人鐘磬虞各一
人每編鐘下笙竽笛篪塤各一人每編磬下歌二人琴
瑟箏筑各一人文武二舞各六佾其龔虞皆金三博山
飾以崇牙流蘇樹羽其樂器應漆者皆朱漆之銑鼓卽
鼓朱漆畫加五綵重蓋大鼓小鼓及餘鼓吹並朱漆羽
葆鼓飾以羽保長鳴中鳴大小橫吹五綵幡緋掌畫豹
五綵脚大角幡亦如之其大鼓長鳴大橫吹節鼓及橫

吹後笛簫簞簞笳等工人皆服緋地氎文袍袴及帽金鉦柶鼓皆加六角紫繖小鼓中鳴等小橫吹及鐃及橫吹後笛簫簞簞笳等工人皆服青地氎文袍袴及帽鐃及簫笳工人服並武弁朱襹衣革帶大角工人平巾幘緋衫白布大口袴凡鐘鼓新成並以羊豕各一爨之若皇太子親戎則以猓豚以爨鼓教樂淫聲凶聲慢聲皆禁之凡漏刻令博士以教之掌漏以典之漏童司刻分時以唱之晝夜之刻百冬至則晝四十夜六十夏至則

晝六十夜四十春秋分則晝夜五十凡諸坊寺府之有犯者令其主司定罪庶人杖已下決之官吏杖已下皆送於大理若皇太子未立及雖立未即東宮其官坊寺府之犯罪者皆斷於大理

丞掌判禮樂刑獄之事凡宮臣有犯理于率更者皆親問之乃斷其罪而上於詹事

主簿掌印及勾檢稽失凡宗族不序禮儀不節音律不諧漏刻不審刑名不法皆舉而正之若所司決囚與其

丞同監之

太子僕寺僕一人從四品

漢唐事屬官有太子僕長丞後漢太子少傅屬官有太子

僕一人秩千石主車馬職如太僕太子五日一朝非入朝日遣僕及中允朝朝入請問起居魏因之晉唐事屬官有太子僕銅印墨綬進賢兩梁冠絳朝服主輿馬親族局擬太僕宗正太康八年進品第五宋齊品秩冠服同家令寺從駕乘安車次家令梁太子僕視黃門陳因之後魏品同家令北齊唐事領太子僕僕寺置丞功曹主簿領廐牧署丞又別有車輿局丞隋僕寺僕一人掌宗族親踈車輿騎乘領廐牧署令丞皇朝因之龍朔二年改為馭僕大夫咸亨元年復舊

丞一人從七品上

梁太子僕有丞陳因之後魏太子僕三卿丞從六品下北齊隋太子僕丞

一人皇

朝因之

主簿一人正九品下

晉太子僕置主簿宋無開齊職儀太子僕主簿四品勳位梁陳後魏

無開北齊隋有太子僕

主簿一人皇朝因之

太子僕之職掌車輿騎乘儀仗之政令及喪葬之禮物
辨其次叙與其出入而供給之皇太子之車輅三一曰
金輅二曰軺車三曰四望車金輅赤質金飾諸末重較
箱畫莖文鳥獸黃屋伏鹿龍輶金鳳一在軾前設障塵
朱蓋黃裏畫輪朱牙左建旂九旒右載闔戟旂首金龍

頭銜結綬及綵綬駕赤駟四八鑾在衡二鈴在軾金鏤方鉉翟尾五焦鏤錫輦纓九旒從祀享正冬大朝納妃則供之輶車金飾諸末紫油通轆紫油纁朱裏駕一馬五日常朝及朝饗宮臣出入行道則供之四望車金飾諸末紫油通轆紫油纁朱裏朱絲絡網駕一馬弔臨則供之凡皇太子備禮而出則率廐牧令進輅僕親馭馬丞掌判寺事凡車輿儀仗有虧闕則移於主司以修補之凡馬及雜畜之料應供於外司者每歲季夏上于詹

事芻粟貯掌於廐所者以時出入之而節其數主簿掌印及勾檢稽失凡廐牧之畜養車騎之駕馭儀仗之付受喪葬之供給各有其程違則糾正之

廐牧署令一人從八品下

漢唐事屬官有太子廐長丞後漢太子少傅屬官有太子

廐長一人秩四百石主車馬魏晉因之齊職儀云東宮屬官有內廐局外廐局梁陳因之後魏有太子廐長從九品下隋太子僕寺統廐牧署令丞皇朝因之

丞二人從九品下

漢有太子廐丞自後闕文齊置太子內廐外廐丞各一人梁陳因之北齊

有太子廐牧署丞車與局丞隋太子僕寺統廐牧丞二人皇朝因之

廐牧署令丞掌車馬閑廐牧畜之事凡皇太子將備禮而出則率典乘先期調習輅馬率駕士駕馭車乘及出則進輅或輅車於南閣外西向以候皇太子之升禮畢皇太子降輅則自西閣之外以輅及輅歸於署其隴右廐牧隸於東宮者皆受其政令焉

唐六典卷二十七

欽定四庫全書

唐六典卷二十八

唐 張九齡等 撰

太子左右衛及諸率府

太子左右衛率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府一人

史二人

兵曹參軍事一人

府二人

史三人

冑曹參軍事一人

府二人

史二人

亭長二人

掌固二人

司階一人

中候二人

司戈二人

執戟二人

左右率府親府勳府翊府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人

太子左右司禦率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府一人

史二人

兵曹參軍事一人

府二人

史三人

冑曹參軍事一人

府二人

史三人

亭長二人

掌固二人

司階一人

中候二人

司戈二人

執戟三人

太子左右清道率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府一人

史二人

兵曹參軍事一人

府二人

史三人

冑曹參軍事一人

府二人

史二人

亭長二人

掌固二人

司階一人

中候二人

司戈二人

執戟三人

太子左右監門率府

率各一人

副率二人

長史一人

錄事參軍事一人

錄事一人

史二人

兵曹參軍事一人

府二人

史二人

胄曹參軍一人

府二人

史二人

亭長二人

掌固二人

監門直長七十八人

太子左右內率府

率各一人

副率一人

長史一人

錄事參軍事一人

錄事一人

史二人

兵曹參軍事一人

府一人

史二人

胄曹參軍事一人

府一人

史一人

亭長二人

掌固二人

千牛十六人

備身二十八人

主仗六十人

太子左右衛率府率各一人正四品上

秦漢詹事屬官有太子衛率後

漢為少傅屬官秩四百石主門衛士魏因之晉初為衛率太始五年分為左右二率惠帝為太子加置前衛率慈懷在東宮又加後衛率故元康之中凡四衛率成都王為太弟又置中衛率是為三率凡太子出前衛率導在前黃麾外左右二率從挾導與車後衛率從在鳥皮外並載戟執刀四率各丞一人服視左右衛將軍品第五位同中庶子過江省前後率梁孝武帝復置宋又省齊左右衛率武冠絳朝復品第五秩千石梁位視御史

中丞左衛率領果毅統遠立忠建寧陵銘夷寇祚德等
七營右衛率領崇榮永吉崇和細射等四營陳因之後
魏太和二十二年太子左右衛率從第三品北齊有太
子左右衛坊率後周東宮官負有司成司武司衛之類
至隋文帝始分置左右衛率左右宗衛率左右虞候開
府左右內率左右監門率凡十府以備儲闡武衛之職
煬帝改左右衛率為左右侍率皇朝復為左右衛龍朔
二年改左右衛府為左右典戎衛咸亨如故掌統東宮
二寺十率府之事舉其
紀綱而修其職務焉

副率各二人從四品上

隋文帝置煬帝改為左右侍副
率皇朝復為左右衛副率龍朔

咸亨隨
衛改復

左右衛率掌東宮兵仗羽衛之政令以總諸曹之事凡

親勲翊府及廣濟等五府屬焉副率為之貳凡元正冬至皇太子朝宮苑諸方使則率衛府之屬以儀仗為左右廂之周衛若皇太子備禮出入則如鹵簿之法以從每月親勲翊三府之衛及廣濟等五府之超乘應番上者配于所職

長史各一人正七品上

隋置皇
朝因之

錄事參軍事各一人從八品上

隋置皇
朝因之

倉曹參軍事各一人從八品下

隋置皇
朝因之

兵曹參軍事各一人從八品上

隋置皇朝因之

冑曹參軍事各一人從八品下

隋置為鎭曹皇朝因之長安中改為冑曹參軍

神龍初復為鎭曹

太極中又為冑曹

司階各一人從六品上

中候各二人從七品下

司戈各二人從八品下

執戟各三人從九品下

長史掌判諸曹及三府五府之事凡府事大事則從其

長小事則專達季秋以其屬官之狀上於率而為之考課

錄事參軍事掌監印發付勾稽

倉曹掌親勲翊三府廣濟等五府文官之簿書凡勲階考課假使祿賜及公解財物田園食料皆典之

兵曹掌親勲翊三府廣濟等五府武官親勲翊衛士之名簿及其番上差遣之法式凡上番者皆受其名簿而咨配于率兼知公私馬及雜畜之簿帳

冑曹掌親勲翊三府廣濟等五府器械諸公廨繕造之物事凡大朝會行從應請戎仗者則具其名數受之於主司既事而歸之

左右率府親府勲府翊府中郎將各一人從四品上

中郎

將之說已具上左右衛梁左衛率領七營右衛率領四營二率各領殿中將軍十人負外將軍十人又有正負司馬員外司馬驍騎步兵翊衛三校尉謂之二校旅賁中郎將并從僕射謂之二將又有左右積弩將軍各一人北齊太子左右衛坊率各領騎官備身員又有內直備身正副都督備身二職等員又有直閤直前直後員又有旅騎屯衛典軍等校尉各二人騎都尉三十人隋左右衛率下有直閤四人直寢八人直前直後各十人

皇朝左右衛率各置親勳翊親府每府中郎將二人郎將二人掌其府校至旅帥及親勳翊衛之屬以宿衛

左右郎將各一人正五品下

皇朝置

中郎將郎將掌其府校尉旅帥及親勳翊衛之屬以宿衛而總其府事

兵曹掌判勾若大朝會及皇太子備禮出入則從鹵簿之法而監其羽儀

太子左右司禦率府率各一人正四品上

隋文帝置左右宗衛率各

一人副率二人掌領宗人侍衛職擬左右領軍將軍加置行參軍二人煬帝改為左右武侍率皇朝復為左右

宗衛龍朔二年改為左右司禦衛率府神龍初又為宗衛開元初復為左右司禦率衛

副率各二人從四品上

隋文帝置皇朝因之其後改復皆隨於府

左右司禦率府率長同左右衛率副率為之貳郊城等

三府之旅賁應番上者各配于所職

長史各一人正七品上

錄事參軍事各一人從八品下

倉曹參軍事各一人從八品下

兵曹參軍事各一人從八品下

冑曹參軍事各一人從八品下

隋置左右虞候開府初無錄事有長史及四曹

參軍至煬帝改為率府始置錄事皇朝因之餘具上說

司階各一人從六品上

中候各二人從七品下

司戈各二人從八品下

執戟各三人從九品下

長史掌判諸曹及郊城等三府之事餘皆如左右率府

太子左右清道率府率各一人正四品上

隋文帝置左右虞候各開

府一人掌斤候非違職擬左右金吾將軍煬帝改為左右虞候率又各置二人皇朝因之龍朔二年改為左右清道衛神龍初又為虞候率府開元初復為清道率府

副率各二人從四品下

隋煬帝置皇朝因之龍朔開元隨府改復

左右清道率府率掌東宮內外晝夜巡警之法以戒不虞凡絳邑等三府皆屬焉副率為之貳凡皇太子出入則領其屬以清游隊為之先以後拒隊為之殿其餘依鹵簿之法以從凡伏衛之出入置細引以導之兼為之糾正

凡五十人用左右率之親勲翊衛為之分為五番每番有主帥及中郎或左右郎將一人領焉每

月絳邑等府之直盜應番上者配于所職

長史各一人正七品上

錄事參軍事各一人從八品上

倉曹參軍事各一人從八品下

兵曹參軍事各一人從八品下

冑曹參軍事各一人從八品下

司階各一人從六品上

中候各二人從七品下

司戈各二人從八品下

執戟各三人從九品下

長史掌判諸曹及絳邑等三府之事餘如左右率府

太子左右監門率府率各一人正四品上

隋文帝置左右監門率各一人

副率各二人掌諸門禁擬左右監門將軍各有直長十人煬帝改為左右監門將軍降為正五品皇朝復改為

監門率龍朔二年改為左右從掖衛咸亨復舊垂拱中改為鶴禁衛神龍初復舊

副率各二人從四品上

隋文帝置正五品皇朝因之龍朔開元隨府改復

左右監門率府率掌東宮諸門禁衛之法副率為之貳

凡東宮諸司應以籍入于宮殿者皆本司具其官爵姓名以牒門司門司送于監門監門之主與判曹印署復送于門司門司會之同則聽入凡東宮內外門之守者並司其出入凡財物器用之出入于宮禁者皆以籍傍為據左右監門以出入之若皇太子出入則依鹵簿之法率其屬於牙門之左右以為捍守

長史各一人從七品上

錄事參軍事各一人正九品上

兵曹參軍事各一人正九品下

冑曹參軍事各一人正九品下

隋置左右監門率有長史已下等負無倉曹以

兵曹兼掌其

事皇朝因之

長史掌判諸門禁衛之事

錄事參軍事掌印兼勾稽失

兵曹兼倉曹之職餘皆如左右率府其諸司籍傍判於

監門者檢其官爵姓名年貌監其器物檢其名數月終

諸門之籍傍歸於府者則會其出入之數冑曹掌器械

及公私馬驢雜畜土木繕造之事凡諸府直馬配於左右監門之巡探者則請其料歸於馬主禁其隱歿棄遺者

太子左右內率府率各一人正四品上

隋文帝置左右率副率領東宮

千牛備身侍奉之事職擬千牛將其備身有千牛備身八人掌執千牛刀備身左右十六人掌供奉弓箭備身二十人掌宿衛侍從煬帝降內率為正五品皇朝因加至四品上龍朔二年改為左右奉御率神龍初復舊

副率各一人從四品上

隋置皇朝因之龍朔神龍隨府以復

左右內率府之職掌東宮千牛備身侍奉之事而主其

兵仗總其府事而副率為之貳以千牛執細刀弓箭以備身宿衛侍從以主仗守戎服器物凡皇太子坐朝則領千牛備身之屬升殿若射于射宮則率領其屬以從位定千牛備身奉細弓及矢立於東階上西面率奉弓副率奉矢及決拾北面張弓左執弣右執簫以進副率以巾拂矢而進進訖各退立於位及射左右內率啟其矢中及不中既事受亦如之

長史各一人從七品上

錄事參軍事各一人正九品上

兵曹參軍事各一人正九品下

曹曹參軍事各一人正九品下

隋置左右內率有長史已下等員無兵曹皇朝

置之

長史掌判諸曹官吏及千牛備身之事餘如左右率府錄事參軍事掌印兼勾簿書及其勲階考課稽失

兵曹掌文武官及千牛備身之簿書及其勲階考課假使祿奉之事

胄曹掌細引伏及羽儀之物自千牛已下各分而典之



唐六典卷二十八